

DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

TAKAPA

Na hïngängö bïanî atene nëngö terê tî zo na lïngbïngö terê tî ângangü tî lo laâ sï ayeke na gündâ tî zarä , tî  
nzönî ngbanga na tî sîrîrî na ndö tî dünîa,

Na hïngängö nî pëpëe na këngö ândiä tî bata nëngö terê tî zo laâ adü kpälë tî birä sô abi ngonzo na bê tî  
âhalëzo, ngâ sï gängö tî mbênî finî ködörö sô âhalëzo kûe alïngbi tî tene tënë tî bê tî âla, tî mähê tî âla afa nî  
töngana taâ kötâ bëkü tî âzo tî ndö tî gïgî,

Ayeke kötâ yê mïngi tî tene azî lë na ndö tî ândiä tî bata nëngö terê tî zo gï na lëngö mbênî gerê tî ndiä ndâli  
tî sïönî sëgbïä na lëngö pâsi,

Na hïngängö nî atene ayeke kötâ yê mïngi tî mü ngangü na mäïngö tî lëngö söngö na pöpö tî ködörö ndê ndê,

Na hïngängö nî atene na yâ tî sëndiä halëzo tî bëndo tî gïgî afa tî finî nî mähê tî âla na âtaâ ndiä tî zo , na  
nëngö terê ngâ na kötâ tî zo na lïngbïngö terê tî ângangü tî kôlî na wâlî, sï âla atene ânî yeke sâra ngangü kûe  
tî mäïngö tî sêduti tî zo na lëngö ânzönî lëgë tî dutî na yâ tî mbênî kötâ zarä ,

Na hïngängö nî atene âködörö sô abûngbi amû yângâ tî lë kpëngö ndiä tî bata nëngö terê tî zo na zarä tî lo na  
yâ tî kua tî mabôko na mabôko na bûngbi tî bëndo tî gïgî,

Na hïngängö atene mângbïngö bê na ândiä sô na âzarä sô ngâ ayeke bïanî ngangü yê mïngi tî sâra kua sô gï  
na pekö tî yângâ sô âla mü,

Kötâ Lïngö

Avûnga

Dêpä tî pöpöködörö tî bätängö nëngö terê tî zo sô

töngana kunibê sô halëzo na âködörö kûê alîngbi tî wara, sî âzo kûê ngâ na âkûndû tî bôso kûê asâra ngangü, na lëgë tî fängö mbëtî na fängö-ndo, tî lë kpëngö ândiä na âzarä sô ngâ tî sâra na kodë tî ândiä tî ködörö wala tî pöpöködörö tî tene ayêka nî ngâ sî alë tambûla nî na ndo kûê, na pöpö tî halëzo na letäa nî sô alü mbere nî, töngana âla sô angbâ na gbe tî lê tî âla.

#### Sura 1

Adü âzo kûê yamba, ngâ âla lîngbi terê na lëgë tî nëngö-terê na tî ângangü. Ala kûê awara ndarä na börö-li sî âla lîngbi tî dutî na âmbâ tî âla gî na lëngö söngö.

#### Sura 2

Zo ôko ôko alîngbi tî pîka kate na ndö tî ângangü sô dëpä avûnga, na särängö kângbi ôko pëpë wala na ndö tî tenë tî marä, wala tî nzorôko tî terê wala tî ndiä wala tî kôlî na wâlî tî yângâ ködörö wala tî mosoro, tî ndo tî düngö wala tî marä dutî,

Na ndönî kûê, alîngbi tî sâra mbênî kângbi ôko pëpë sô alöndö na ndö tî tënë tî porosö wala tî ndiä wala tî pöpöködörö, tî mbênî zo wala tî mbênî ködörö nî sô alîngbi tî dutî lipandä wala na gbe lê tî mbênî ködörö wala sô ayeke na kpälë tî sêgbïä.

#### Sura 3

Zo kûê ayeke na ngangü tî dutî na finî tî lo, tî dutî yamba na tî dutî na mbeto tî wara sïönî pëpëe.

#### Sura 4

Zo ôko alîngbi tî dutî na gbe tî ngbâa pëpëe. Akânga lëgë bianî na dutî tî ngbâa ngâ na dëngö buzë tî kängö zo na ngbâa.

#### Sura 5

Zo ôko alîngbi tî sâra mbâ tî lo na pâsi tî ponön wala na pâsi tî finön pëpëe.

## Sura 6

Zo kûê ayeke na ngangü tî tene ndiä abata lo na âsiönî lâkûê na ndo kûê.

## Sura 7

Azo kûê alîngbi terê na lê tî ndiä, ngâ âla yeke na ngangü lêgë ôko na särängö kângbi ôko pëpëe. Amû na âla ngangü na sêbätängö terê lêgë ôko, na tënë tî kângbi tî marä sô alîngbi tî fîngi dëpâ sô ngâ na tënë tî gîngö lêgë tî kângbi tî marä sô.

## Sura 8

Zo kûê alîngbi tî lî ngbanga na âdangbanga tî ködörö tî lo töngana âzo akpë pëpëe ângangü sô sêndiä tî ködörö tî lo amû na lo.

## Sura 9

Alîngbi ôko pëpëe tî gbû zo na kânga wala tî bata lo na kânga wala tî tokua zo yongôro na ködörö tî lo gï sêngê sêngê, töngana ndâ nî ayeke da pëpëe.

## Sura 10

Zo kûê ayeke na ngangü, lêgë ôko na âmbâ tî lo, tî tene amâ polêlê tënë tî yângâ tî lo na lê tî boro ngbanga sô fadë afa ânde wala ângangü wala âkuandiä tî lo wala töngana pängö ïrî na tënë sô alî ngbanga da na ndö tî lo sô ayeke mbîrîmbîrî.

## Sura 11

Zo kûê sô apâ ïrî tî lo na ndö tî mbênî kpälê angbâ mokondö asî na ngôi sô afa na lêgë tî ndiä atene lo sâra siönî, na lê tî mbênî ngbanga tî polêlê sô âwakokö kûê adu da na pekö tî lo.

Alîngbi pëpëe tî kânga zo ndâli tî âyê sô lo sâra wala tî bêgirisa sô, na ngôî sô asî sô, ndiä tî kôdörö wala ndiä tî pöpöködörö afa nî tîngana kpälë pëpëe. Lêgë ôko, alîngbi tî dîko pëpëe mbênî ponön sô akono ahön ndö tî lo sô ayeke dë ka nî na ngôî sô zo asâra kpälë sô.

## Sura 12

Alîngbi ôko pëpëe tî yôro terê na mbänä na yâ tî sêdutî tî zo wala tî sêwa tî lo wala tî da tî lo wala tî dîko mbëtisû tî lo. Alîngbi pëpëe tî buba îrî tî zo ngâ na wüngö tî îrî tî lo. Zo kûê ayeke na ngangü tî tene ndiä abata lo ngbanga tî âmarä kpälë tîngasö.

## Sura 13

Zo kûê ayeke na ngangü tî fonon yamba na yâ tî kôdörösêse kûê. Lo yeke ngâ na ngangü tî soro ndo tî dutî tî lo na yâ tî mbênî kôdörösêse.

Zo kûê ayeke na ngangü tî sîgî na yâ tî kôdörösêse kûê atâ adu kôdörö tî lo, ngâ tî kîri na kôdörö nî tîngana sô bê tî lo ayê.

## Sura 14

Na yâ tî ponön tî hongana-ndo, amû lêgë na zo kuê tî gi ndo tî dutî da ngâ lo lîngbi tî wara nî na kôdörö wandê.

Alîngbi pëpëe tî mû ngangü sô na wakpälë tî fängö zo wala na zo tî sârängö âyê sô ague pëpëe na lêgë tî âpo na âkunibê tî bûngbi tî bendo tî gîgî.

## Sura 15

Amû ngangü na zo kûê tî tene lo du zo tî mbênî kôdörösêse.

Alîngbi pëpëe tî gbânzi mbênî zo na mbänä tî du wakôdörösêse ngâ na ngangü tî gbân kôdörösêse tî lo.

## Sura 16

Asi na ngöi sö ala lingbi ti mü terê, amû ngangü na köli na wâli ti mü terê tóngana köli na wâli, si ala lê sewä sêngê, tënë ti marä wala ti ködörösêse wala ti mabê alingbi ti kanga lêgê ni pëpëe. Na mbâgê ti müngö terê, amû ngangü, lêgê ôko na köli na wâli na yâ ti dutingö ti ala ngâ na kangbingö ti ala.

Köli na wâli alingbi ti mü terê gi tóngana bê ti ala üse küê ayê tënë ni biani.

Sewä ayeke na gündâ ti halêzo. Ni laâ, amû ngangü na letäa ngâ na âzo küê ti tene ala bata ni ngangü.

## Sura 17

Zo küê wala lo duti na bôsôngbi wala lo duti lo ôko ayeke na ngangü ti wara âkûngbâ ti lo mveni.

Alingbi pëpëe ti mü âkûngbâ ti mbêni zo na ngangü na maboko ti lo.

## Sura 18

Amû na zo küê zarä ti bibê, ti boro-li na ti mabê ; ngangü sö afa atene zo küê ayeke na zarä ti gbïan mabê ti lo, wala bibê ti lo ngâ na zarä ti fa polêlê mabê ti lo, lo ôko wala na yâ ti mbêni bûngbi, polêlê wala koiko, na lêgê ti fängö mbëtï, ti särängö yê, ti vöröngö nzapä ngâ na särängö ângôbo.

## Sura 19

Amû na zo küê ngangü ti zarä ti bibê na ti särängö tënë. Sö atene alingbi ti doroko zo pëpëe ndali ti âbibê ti lo. Amû ngâ na zo küê ngangü ti gi, ti wara na ti vûnga âsango na âkodê na âmarä lêgê küê, na zïängö bê pëpëe na ndö ti tënë ti âmekä.

## Sura 20

Amû na zo küê ngangü ti zarä ti gbê lingö, ti li na yâ ti bôsôngbi ti siriri.

Alingbi pëpëe ti gbû zo na ngangü ti li na yâ ti mbêni bôsôngbi.

## Sura 21

Amû na zo kûê ngangü tî sâra kua tî lêngö ködörö tî lo, wala lo mvenî wala na lêgë tî âwasêlê sô asoro âla yamba.

Amû na zo kûê ngangü tî wara kua na yâ tî ndokua tî letäa, lêgë ôko na âmbâ tî lo.

Kunibê tî halëzo ayeke na gündâ tî ngangü tî awalêngö ködörö. Kunibê sô alîngbi tî fa gî na lêgë tî aboro soro sô ayeke bâa gîgî ngôî na ngôî, na lêge tî gbegô mobimba ngâ na köbö soro wala na mbênî ngôbo sô amû ngangü tî zarä tî soro.

## Sura 22

Zo kûê tîngana wabôso tî halëzo ayeke na ngangü na kodëkua tî bätängö terë. Alöndö na âbängö nzönî na pekö tî ângangü tî mosoro, tî zängbingörö terë, tî ndara sô ayeke kötâ yê ndâli tî nëngö terê na boro mäïngö tî sêterë tî lo; gî na lêgë tî gbüngö mbîrîmbîri kua tî ködörö ngâ na tî tängbîngö kua na âködörö wandë sô abäa dôngôngbi na môsôrö tî ködörö ôko ôko.

## Sura 23

Amû na zo kûê ngangü tî sâra kua, na zarä tî söröngö kua tî bê tî lo, na yâ tî boro ngâ na nzönî gerê tî kua.

Alîngbi ngâ tî bata zo ngbanga tî tënë tî ponön tî särängö kua pëpëe.

Zo kûê alîngbi tî wara boro nginza tî kua sô alîngbi na kua sô lo sâra

Zo sô asâra kua alîngbi tî wara boro nginza tî kua sô alîngbi tî tene lo na âsëwä tî lo aduti na yâ tî nëngö terê.

Na ndönî kûê, amû na lo anzîna ngangü tî sêbätängö terê.

Zo kûê awara ngangü tî kîi na âmbâ tî lo âbûngbi tî âwakua, ngâ tî lî bûngbi na âmbênî âbûngbi tî âwakua ngbanga tî gbüngö kokö tî âla.

## Sura 24

Amû na zo kûe ngangü tî woterë tî lo, tî sâra ngîa ngâ. Sô atene alîngbi tî dë gî na lêgë nî lăngö kâpâ tî kua ngâ na âlăngö tî wöngö terê sô afûta nî.

## Sura 25

Zo kûe alîngbi tî wara nginza sô alîngbi na lo sî lo lë sênî tî lo, nzönî dutî tî lo ngâ na tî sewă tî lo bianî na lêgë tî têngö kôbe, yüngö bongö, mûngö yoro ngâ na zăngbîngö terê. Amû na lo ngangü tî bâa nzönî na lêgë tî zangbîngö terê na ngôi sô lo du na kua pëpëe, wala na ngôi tî sôngö terê wala ngbanga tî zën, wala ngbanga tî ndü, tî kangba wala na yâ tî âmbênî ngôi sô zo nî ayeke na mbênî lêgë tî bătängö na finî tî lo pëpëe, na pekô tî âmbênî sïökpälë sô asî na lo.

Awâlî tî ngo na âmolengê tî âla alîngbi tî wara taâ nzönî na kua tî zăngbîngö ndo. Amôlengê kûe, wala adü âla na yâ tî mûngö terê wala adü âla da pëpëe ayeke na ngangü na nî lêgë ôko.

## Sura 26

Amû na zo kûe ngangü tî mândängö mbetî. Ayeke fûta mândängö mbetî nî pëpëe, mbîrîmbîrî na âkêtê dambetî. Mândängö kodëyê na kodëkua alîngbi tî gbû ndo kûe. Zo kûe alîngbi tî manda mbetî na kötâ dambetî, gî na lêgë tî kodë tî lo na hîngăngö ndo tî lo.

Făngö mbetî alîngbi tî gue na lêgë tî kono sêterê tî âzo ngâ tî kono ndiă tî bătängö nêngö terê tî âzo . Lo lîngbi ngâ tî mû lêgë tî kpêngba măngö terê, vürüngö bê na sôngö na pöpö tî âködörösêse tî âmară wala âmabê ndê ndê ngâ na măîngö âkua tî bûngbi tî bendo tî gîgî ngbanga tî bata sîrîrî.

Awadüngö môlengê âmvenî alîngbi tî soro yamba kodë lêgé tî făngö hîngăgö ndo na âmolengê tî âla.

## Sura 27

Zo kûê ayeke na ngangü tî lê kua tî sêndâgâo tî âsöngö tî lo, tî tene lo wara âpendere yê tî ködörö tî lo na lo zîa mabôko na mäïngö tî âsêndâyê ngâ na lo bâa nzönî na pekô nî.

Amû na zo ôko ôko ngangü tî sêbätängö ânzönî yê tî lo sô alîngbi tî dutî âkûngbâ wala âbibê ti lo-mvenî.

Anzönî yê sô alîngbi tî löndö na pekô tî âkodëkua, asêndâyê, âsêndâsû wala tî sêndägâo sô lo mvenî lo sâra.

## Sura 28

Tî tene âzo akpê ângangü sô afa ge sô, ayeke nzönî mbênî dôngôngbi adu da sô alîngbi tî bata nî. Dôngôngbi sô alîngbi tî dutî na yâ tî ködörö nî tóngana na yâ tî dûnîa mobimba.

## Sura 29

Zo ayeke na âhonga na mbâgë tî bôso sô lo du da sî lo mâi da yamba . Nî laâ sî alîngbi tî mû na lo lêgë tî tene sêterê tî lo amâi nzönî bîanî.

Ndiâ alîngbi tî lê ângangü tî bätängö nëngö terê tî zo . Lo lingbi ngâ tî mû lêgë na zo ôko ôko tî kpê âmbâ tî lo ngâ tî tene âmbâ tî lo akpê lo.

ângangü sô na âzarä sô alîngbi ôko pëpë tî fîngi âwêsêlô, âpö, na gbegôndiä tî bûngbi tî bêndo tî gîgî mobimba.

## Sura 30

Mbênî ködörösêse ôko pëpëe wala mbênî zo tî gîgî ôko alîngbi pëpëe tî buba lêgë tî ândiä sô afa ge na yâ tî mbëtî-dêpä sô.